



Broj: 02-31-526/24

Datum: 09.09.2024.godine

Na osnovu Odluke o subvenciji troškova prevoza redovnih učenika srednjih škola na području općine Sanski Most br: 01-02-89/23 od 21.03.2023.godine ("Sl.glasnik Općine Sanski Most br. 02/23) i člana 20. Pravila JU "Centar za socijalni rad" Sanski Most ("Sl. glasnik Općine Sanski Most" br: 10/16), direktor JU "Centar za socijalni rad" Sanski Most r a s p i s u j e

JAVNI POZIV za subvenciju troškova prevoza redovnih učenika srednjih škola na području općine Sanski Most za školsku 2024/2025 godinu

I

Objavljuje se Javni poziv za subvencioniranje troškova prevoza redovnih učenika srednjih škola na području općine Sanski Most za školsku 2024/2025 godinu.

II

Pravo na subvenciju troškova prevoza mogu ostvariti redovni učenici srednjih škola koji imaju prebivalište na području općine Sanski Most pod slijedećim uslovima:

1. učenici sa invaliditetom, djeca sa poteškoćama u razvoju,
2. učenici – djeca bez oba roditelja,
3. učenici – djeca bez jednog roditelja (ukoliko roditelj ispunjava ostale uslove predviđene ovom Odlukom),
4. učenici čiji roditelji primaju stalnu novčanu pomoć,
5. učenici - djeca šehida, ratnih vojnih invalida, demobilisanih boraca i dobitnika najvećih ratnih priznanja i civilnih žrtava rata,
6. učenici čiji su roditelji nezaposleni (uz izvještaj i procjenu socijalnog radnika),
7. učenici čiji su roditelji zaposleni, a čiji prihod po domaćinstvu ne prelazi iznos prosječne plaće USK-a po posljednjim službenim podacima objavljenim za mjesec juni 2024.godine, odnosno 1248 KM.
8. učenici – djeca smještena u Ustanovu SPŽZ,
9. djeca sa poteškoćama u razvoju koja pohađaju specijalnu školu,
10. djeca čiji su roditelji osobe sa invaliditetom (90% i 100%).

III

Ostale kategorije korisnika pravo mogu ostvariti pod uvjetom da ukupan prihod domaćinstva mjesečno ne prelazi iznos prosječne plaće USK-a, po posljednjim službenim podacima.

Prioritet na subvenciju troškova prevoza redovnih učenika srednjih škola imaju roditelji sa troje ili više djece, a koji koriste usluge javnog prevoza kako je i predviđeno Odlukom.



IV

Prijava na javni poziv treba da sadrži slijedeće dokumente:

1. Prijavni obrazac, koji je dostupan na web stranici JU CZSR Sanski Most juczsr-sanskimost.ba ili se može preuzeti lično u prostorijama Centra na adresi Muse Ćazima Ćatića b.b. Sanski Most,
2. potvrda o prebivalištu učenika i roditelja/staratelja/podnosioca zahtjeva,
3. potvrda o upisu učenika u tekuću školsku godinu, izdata od nadležne školske ustanove,
4. kućna lista, sa pratećom posebnom dokumentacijom (smrtni list roditelja/rodni list djeteta),
5. dokaz o statusu i primanjima za sve članove domaćinstva i to:
 - za zaposlene: potvrda o prosječnim primanjima za posljednja tri mjeseca ovjerena od strane poslodavca,
 - za privatne poduzetnike: Uvjerenje o izmirenim poreznim obavezama izdato od nadležne poreske ispostave i potvrda o mjesečnim primanjima za posljednja tri mjeseca,
 - za penzionere: kopija čeka od penzije,
 - za nezaposlene: Uvjerenje biroa za zapošljavanje, odnosno, potvrda da nije porezni obveznik (Porezna uprava),
6. dokaz o invaliditetu učenika (nalaz nadležne Komisije),
7. dokaz o invaliditetu roditelja (rješenje od nadležnog organa),
8. rješenje/uvjerenje nadležne Službe za učenike djecu šehida, ratnih vojnih invalida, invaliditetom i djecu dobitnika najvećih ratnih priznanja,
9. dokaz o kupljenoj karti,
10. kopija tekućeg računa podnosioca zahtjeva.

V

Popunjena prijava sa potrebnom dokumentacijom, u zatvorenoj koverti, podnosi se na protokolu JU "Centar za socijalni rad" Sanski Most, ili putem pošte na adresu: JU "Centar za socijalni rad" Sanski Most, Muse Ćazima Ćatića bb, Sanski Most sa naznakom za "Javni poziv za subvencioniranje troškova prevoza redovnih učenika srednjih škola na području općine Sanski Most za školsku 2024/2025 godinu".

Rok za prijavu je do 30.09.2024.godine.

VI

Pravo na subvencioniranje prevoza učenicima pripada u mjesecima u kojima se odvija nastava (septembar, oktobar, novembar, decembar, februar, mart, april, maj i juni osim za učenike završnih razreda. Isti su dužni dostavljati dokaz o kupljenoj mjesečnoj karti najkasnije do 10. u mjesecu.

VII

Direktor JU „Centar za soc rad“ Sanski Most imenuje Komisiju za utvrđivanje prava na subvencioniranje troškova prevoza redovnih učenika srednjih škola na području općine Sanski Most najkasnije 7 dana prije zaključenja javnog poziva.

Komisija iz prethodnog stava ima predsjednika i dva člana. Aktom o imenovanju Komisije za utvrđivanje prava na subvencioniranja troškova prevoza redovnih učenika srednjih škola na području općine Sanski Most, direktor utvrđuje sastav i zadatke Komisije.



VIII

Komisija radi u sjednicama, a odlučuje većinom glasova ukupnog broja članova.

O radu Komisije obavezno se sastavlja zapisnik.

Komisija po zaključenju javnog poziva razmatra dostavljene prijave nakon čega:

- neblagovremene i nepotpune prijave odbacuje,
- prijave kandidata koji ne ispunjavaju uvjete javnog poziva odbija.

Tokom obrade podnesenih prijava Komisija može od kandidata ili nadležnih organa tražiti dopunu ili provjeru podataka.

IX

Prijedlog liste kandidata koji ispunjavaju uvjete sadrži: redni broj, prezime, ime jednog roditelja i ime kandidata, naziv srednjoškolske ustanove i razred koji učenik pohađa, te se ista dostavlja direktoru JU „Centar za socijalni rad“ Sanski Most i objavljuje na, službenoj web stranici Centra, službenoj web stranici općine Sanski Most i oglasnoj ploči Centra.

X

Svaki prijavljeni kandidat ima pravo prigovora na utvrđenu listu kandidata koji ispunjavaju uslove.

Prigovor se može podnijeti Komisiji za žalbe na akte po Odlukama Općinskog vijeća u roku od 8 dana od dana objave utvrđene liste kandidata iz stava (1) ovog člana.

Utvrđena lista kandidata koji ispunjavaju uvjete protiv koje nije podnesen prigovor iz stava 2. ovog člana je konačna i osnov za zaključenje ugovora o subvencioniranju troškova prevoza redovnih učenika srednjih škola na području općine Sanski Most.

O podnesenim prigovorima na utvrđenu listu kandidata iz stava (1) ovog člana Komisija za žalbe na akte po odlukama Općinskog vijeća dužna je odlučiti u roku od 15 dana po isteku roka za podnošenje prigovora.

XI

U postupku odlučivanja po prigovorima Komisija za žalbe na akte po Odlukama Općinskog vijeća će:

- neblagovremene prigovore odbaciti bez razmatranja,
- neosnovane prigovore odbiti,
- prigovore za koje se utvrdi da su osnovani uvažiti i sačiniti izmjenu utvrđene liste kandidata.

XII

Izmjenjena lista kandidata koji ispunjavaju uvjete Komisije za žalbe na akte po Odlukama općinskog vijeća objavljuje se na oglasnoj tabli i WEB stranici.

Izmjenjena lista kandidata Komisije za žalbe na akte po odlukama Općinskog vijeća je konačna i osnov za zaključivanje ugovora o subvencioniranju.

XIII

Komisija pismenim putem ili na drugi pogodan način obavještava korisnike subvencioniranja o datumu zaključivanja ugovora o subvencioniranju.



XIV

Ugovor o subvencioniranju troškova prevoza redovnih učenika srednjih škola se smatra zaključenim kada ga potpišu direktor Ustanove i roditelj/staratelj učenika.

Ugovor o subvencioniranju troškova prevoza redovnih učenika srednjih škola na području općine Sanski Most sadrži:

- a) naznaku ugovornih strana,
- b) visinu odobrenog iznosa,
- c) period i način isplate,
- d) prava i obaveze ugovornih strana,
- e) uslove za raskid ugovora,
- f) druga pitanja od značaja za ostvarivanje prava na subvencioniranje.

XV

Ugovor o subvencioniranju se raskida:

- a) ako se utvrdi da je pravo na subvencioniranje kandidat ostvario na osnovu neistinitih ili nepotpunih podataka,
- b) ako korisnik subvencije prekine školovanje ili promjeni mjesto prebivališta koje je od uticaja za ostvarivanje navedenog prava.
- c) ako korisnik subvencije blagovremeno ne dostavi dokaz o kupljenoj mjesečnoj karti .

Raskid ugovora o subvencioniranju vrši se u pismenoj formi.

XVI


Sredstva za subvencioniranje troškova prevoza redovnih učenika srednjih škola na području općine, Sanski Most po ovom Javnom pozivu ograničena su visinom Budžeta općine Sanski Most za 2024. godinu u visini od 70.000,00 KM.

XVII

Neblagovremene i nepotpune prijave se neće uzimati u razmatranje. Sve dodatne informacije u vezi Javnog poziva mogu se dobiti u JU "Centar za socijalni rad" Sanski Most, prijemna kancelarija, ili na tel. 037-686-906. Javni poziv se objavljuje u sredstvima javnog informisanja, službenoj web stranici Centra, službenoj web stranici općine Sanski Most i oglasnoj ploči Centra.



DIREKTOR


Cerić Elvira, dipl.pravnik